

■ PRE TONI BELINE

Apontament tal domo di Vençon

A son passât 7 agns di cuant che pre Antoni Beline, storic diretôr da "La Patrie dal Friûl e tradutôr de Bibie par furlan, al è tornât "te cjase dal Pari".

Par ricuardâlu, come ogni an, sedi la comunitât di Visepe sedi il grup di Glesie Furlane a àn inmaneât dôs cerimonii in sô memorie. La prime e je stade miercus di sere te frazion di Basilian, la seconde e sarà in domo a Vençon dulà che al jere nasût. L'apontament al è par domenie ai 27 di Avrîl aes 6 di sere cu la messe e la presentazion di doi libris che a jentrin te Opera Omnia di pre Antoni Beline, progjet finanziât cul jutori de Provincie di Udin: si trate des publicacions "Par amôr o par fuarce?" e "... dal Vanzeli seont la int".

Ancje La Patrie dal Friûl e dedicarà un ricuart a pre Beline in ocasion dal event di presentazion dal numar di Avrîl che si tignarà sarà martars ai 29 di Avrîl a Palme aes 5 e mieze li dal Municipi in colaborazion cul sportel comunâl pe lenghe furlane.

SCOLTADIS DI DRIUS**Altris timps**

Apene sposâs o jodevi le femine in cotule sot e j disevi: "Ven dongje che ti scjaldi". Cumò mi ven nome di di: "No atu frêt?".



Al è dut pront par puartâ in sene la opare musicâl dal mestri Rodolfo Kubik, 'Va, vilote puartade dal vint', indulà che si conte une storie di emigrazion e amôr.

» DI ZUAN FURLAN



argentine), puartant in sene anche rielaborazions originjals dal repertori tradizionâl des vilotis furlanis.

E propit a cheste tradizion musicâl si inspire la comédie musicâl "Va, vilote, puartade dal vint" che a lee no dome lis cognossincis technichis di Kubik, ma si inspire anche a un element di vite dal stes mestri, ven a stâi la emigrazion, contant la storie di une famee furlane obleade a cjapâ la strade pe Argentine e di un amôr tra Mariuti e Tunin, che al somee condanât di cheste separazion.

OMAÇA A UN GRANT MUSICIST

Sot de regjie di Gianmaria Romagnoli e de direzion dal mestri Fabrizio Da Ros, cu la preziose colaborazion di Julieta Kubik, fie dal mestri, e il coinvolziment dai atôrs de Atf che a saran sul palc cun cjantants lirics di grande nomee e la orchestre "I Sinfonici del FVG", il grup folcloristic Chino Ermacora al vûl fâ omaça a chest grant musicist.

L'apontament al è pai 30 di Mai li dal teatri "Zuan di Udin" aes 8 e mieze di sere. In cheste opare il mestri Kubik al à volût contâ la esperience de emigrazion doprant tant che fil condutôr la musiche, sedi chê des origjins furlanis, ven a stâi la vilote, sedi chê dal país di adoizion, ven a stâi i cjants populârs argentins. Di chest messedâsi di culturis, e je nassude duncje cheste comédie musicâl che pal grup Chino Ermacora e rapresente una scommesse cjamade di sperancis.



ilfriuli@ilfriuli.it

Prime mondiâl pe vilote di Kubik

Al è dut un cori di provis daûr provis par rivâ prontos ae "prime representazion integrâl assolute mondiâl moderne", si lei te presentazion dal spettacul.

Il grup Chino Ermacora di Tarcint, cul finanziament de Arlef e la poie di Comun e Provincie di Udin, al è cussient dal sfuarç, ma anche de responsabilitât che si à cjapât sù cul progjet di puartâ in sene "Va, vilote, puartade dal vint", la opare musicâl dal mestri Rodolfo Kubik, mancjât a Buenos Aires ai 10 di Avrîl dal 1985.

Nassût a Pola tal 1901 di pari venezian, ma di origjins cechis, e

di mari di Roncjis di Monfalcon, fin di piçul Kubik si interesse ae musiche dedicantsi a diviers struments. Finide la prime vueve mondiâl, tal 1919 si iscrîf al conservatori e par aprofondî i siei studis musicâi al frecuente prime il Tartini di Triest e po si trasferis a Vienne, dulà che al cognosserà anche Arnold Schoenberg. La vignude dal fassisim e la sô posizion cuintri dal regjim, lu puartin tal 1927 in Argentine, dulà che al cjape la citadinance e al parte indevant la sô ativitât di musicist e diretôr (tal 1956 al sarà nomenât anche diretôr dal coro polifonic de Radio di Stât

Euronews informa

Dams fats dai animâi salvadis, la Provincie ai danegjâts: "Scrivêt ae Regjon. No podìn paiâ, parcè che Triest no nus da i bêçs"

In Regjon i bêçs a son. Dome che no vengin trasferîts ae Provincie. Il probleme dai dams causâts dai animâi salvadis al è ancjemò cence rispuete, par vie de inativitât e dal scjars interès dimostrâts di bande de Zonte regionâl.

Ae amministrazion di Palaç Belgrât a continuin a rivâ letaris di chei che a àn patîf dams e il President Fontanini ur scrîf ribatint che "o stin ancjemò spietant che la Regjon e fasedi la sô part e e assegnedi i fonts, tant plui - al continue - che lis risorsis a son, viodût che a saltin fûr di une cuote des licencis paiadis dai cjaçadôrs". I bêçs no son rivâts. Prime dal 2013, di Triest a vignivin trasferîts 500 mil euros par an. Cumò, Fontanini al sburte i

citadins interessâts a cheste problematiche a cjapâ cjarte e pene e a scrivi letaris di proteste in Regjon par riclamâ i paiaments. "No si pues plui sopuartâ che lôr si tegnin i bêçs e nô no sin in grât di fâ front ai paiaments e ai risarciments dai dams subîts; se il guvier regionâl al continue, cence bati cei, a no movisi e a no assolvi a un precis dovê, che al pai diretomentri lui!".

Dal principi dal 2014 a vuê lis richiestis pai dams aes machinis a son 57 par un impuart di cirche 150 mil euros (stant ai preventîfs mandâts di chei che a àn patîf il dam); invezit lis domandis pai dams provocâts aes coltivazions a son 17 par pôc plui di 16 mil euros.



Tal 2013 invezit si contin 264 richiestis par dams aes machinis par un impuart - cun riferiment aes faturis e ai preventîfs furnîts - di 591 mil euros, e 92 a son lis domandis di risarciment par dams causâts aes coltivazions agriculis.

L'assessôr provinciâl Marco Quai al marcje come la cifre totâl disponibil l'an passât e jere di 150 mil euros: di chescj, 74 mil euros a son stâts doprâts cun necessitât par compensâ i dams patîts in agriculture; 25 mil par realizâ progjets di prelêf de fauna salvadie (zone Cjargne); a restin 50 mil euros che, cence dubi, par fâ front a 264 domandis dome dal an passât a rapresentin une some scjarse.